

Theologiæ Sacramentalis Scholasticæ Et Moralis Pars ...

Ad Mentem Doctoris Subtilis Ioannis Duns Scoti D. Augustino conformen

In qua tractatur de Sacrementis in Genere, & duobus primis in specie

Bosco, Jean a

Lovanii, 1665

Concl. IV. Licitè petitur Sacramentum à quolibet suâ culpâ indignè ministraturo, modò id suadeat notabilis utilitas.

[urn:nbn:de:hbz:466:1-73340](#)

Sect. 8. De Suscipiente Sacrament. Concl. 3. 225

recordare
tur in altari
committi
mortalis
peccati.

alicujus peccati commissi post confessio-
nem, cuius illuc usque nullam neque in
universum habuisset contritionem, quia
fortassis nunquam putavit esse mortale;

tunc autem jam vider, aut vehementer du-
bitat esse mortale, ita posset temporis an-
gustijs arctari, alijque necessarijs ipsius
Sacrificij distrahi (quamquam raro id
accidere potest) ut nisi ab eo cessaret,
nullo modo ad perfectam contritionem,

aut alium quemlibet actum supernaturalem
excitari posset: ac prouide tunc ad Sa-
cramentum in illo peccato mortali acce-
dere, ad novum peccatum mortale ipsi
non imputaretur: quia hoc præceptum

non obligat cum tanto dispendo, ut de-
beat homo coram toto populo à sacrificio
cum nota sui honoris cessare potius, quam
ad Sacramentum cum illo peccato acce-
dere. Hæc ille. Verè an falso, libenter
dico, quam dico.

Allius casus
Vasquez.

Equidem non dubito de veritate casus,
quem ibidem subtexit Vasquez, dicens: Quemadmodū etiam si quis sciret, se
in mortali esse, & tamen necessarium esset
ita subito ministrare Baptismum parvulo
propter instans periculum mortis, ut ad
dolorem perfectum de illo peccato le ipsum
movere non posset, excusatetur ab irrever-
entia Sacramenti propter instans periculum
parvuli, & ut obligationi charitatis satisfa-
ceret. Ita p̄fatus Auctor.

Disparitas
inter illos
casus.

Sed tu, Lector, adverte in hoc casu
Sacramentum non frustrari suo effectu,
veluti in casu p̄cedenti frustratur. Porro
alia, & indubie major irreverentia est, ad-
ministratio Sacramenti in malo statu cum
certa frustratione effectus, quam adminis-
tratio Sacramenti in malo statu cum certo
effectu. Insuper periculum quasi intrinse-
cum & per se aeternæ damnationis parvuli
incomparabiliter majus est periculum quasi
extrinseco & per accidentem infamia celebran-
tis. Quæ ergo convenit unius casus
ad alium? Satis exigua.

59. Interim tamen si occurreret casus (qui vix
occurrit potest) quo homo peccator non
posset se ad contritionem vel attritionem
excitare, & aliunde vel moriendum ei so-
ret, vel suscipiendo Sacramentum, putas
quia non excusatetur ab irreverentia Sacra-
menti propter instans periculum aeternæ
damnationis?

Quidni, inquis, putem? Etenim ob nul-
lam causam licet mentiri; ergo ob nullam
causam licet recipere Sacramentum cum
certa frustratione effectus.

Respondet negando consequentiam;
quoniam hęc receptione non est proprię men-
tis.

dacum, hoc est locutio contra mentem: si
quidem Sacramentum non est institutum
ad significandum conceptum suscipientis,
sed ad significandam & cauſandam gratiam.

Dices: saltem est falsi significatio, qualis
non est combustio aut alijs simili corruptio
Eucharistiae. Transeat totum. Sed quid
tum? Quippe falsa illa significatio est p̄r
ter intentionem ejus, qui sic suscipit Sacra-
mentum. Unde autem convincitur, quod
hujusmodi falsitas non possit excusari à pec-
cato, saltem à mortali sacrilegio?

Nonne & ille, qui Sacramentum mini-
strat indigno, aliquo modo falso significat,
id est, facit ut v.g. haec hostia sacra non
cauet gratiam sanctificantem, quam alio-
quin cauſasset, si eam dedisset digno? Et
tamen hoc licet in aliquo casu. Sufficiat
isti pro prima conditio neccesaria ad lici-
tam receptionem Sacramenti.

De secunda queritur, an licet suscipere
Sacramentum à ministro indigno? Et quia
indignitas multiplex est, una juris quasi na-
turalis, qua oritur ex statu peccati morta-
lis; altera vero juris positivi, quo alicui pro-
hibetur ministerium huius vel illius Sacra-
menti; hinc responsio indiget pluribus con-
clusionibus, quas suo ordine h̄c subjungo.

CONCLUSIO IV.

Licitè petitur Sacramentum à
quolibet suā culpā indigne
ministraturo, modò id lue-
deat notabilis utilitas.

Suppono suscipientem non teneri in-
quirere dignitatem ministri; ubi enim
talis obligatio imponitur? Certè difficultis
ſepe, imo injuriaſa eſſet; nemo quippe p̄-
ſumitur malus niſi probetur, & in dubio
non est p̄fumendum delictum. Unde li-
citus eſt communiter suscipere & petere
Sacramentum à ministro, quando moraliter
non conſtat ipſum indigne ministraturum;
adeo ut si quis videret Sacerdotem statim
peccantem, poſset ab eo petere Sacra-
mentum, eſto non sit paratus, neque obligetur
ex officio ministrare; quia sperare potest &
debet p̄eiam dispositionem ad dignam
ministracionem per contritionem aut con-
fessionem, niſi forte publicum ſit illum eſſe
in diuturna conſuetudine peccandi ac pro-
ximis peccati occaſionibus, retinendo v.g.
apud ſe concubinam. Hæc eſt communis
ſententia, teſte Dicastilione disp. 3. n. 302. *Dicafilia*
ſicuti & ipla conclusio communis eſt, ut
ibidem

non eſt m-
daciun.

Licit ut
falsa signifi-
catione
cario, potest
tamen ex-
cufari à
peccato.

Multiplex
indignitas
ministrat.

Suscipiens
non tenet
inquirere
dignitatem
ministri.

F 60.

ibidem docet n. 296. quæ facilè probatur
ex principio ab omnibus admisso: Liceat
permittere peccatum proximi, quando
commodè non potest impediri.

61. Dices: Hic petitur peccatum, ministerium scilicet Sacramenti, quod hic & nunc est peccaminosum. Respondeo illam actionem ex se bonam esse, & bene a ministro fieri posse; & ut talis petitur, non quia mala est, malitia proveniente & dependente a sola ipsius voluntate. Ita Doctor Subtilis 4. d. 5, quest. 2. num. 6.
ibidem: Ad secundum duo, quod ille... qui petuit

scetur. ibi : Ad secundum aico, quod ius, qui petit Baptismum à malo Sacerdote, non cooperatur illi direkte ad peccatum mortale; petit enim alio eo actum debitum, & in hoc non delinqit: quia nullius malitia excusat illum à solvendo debito quo teneat alteri. Ille etiam actus petitus posset solvi sine peccato, si baptizatus conseretur. Vnde quantum est ex actu petentis, pertens magis necessitat Sacerdotem ad pentendum, quam ad actum peccandi. Si autem ille non penitent, nihil imputandum est ei: qui petit illum actum: quia non in quantum est peccatum petit, sed in quantum debitum est.

62. Hinc notanter dixi in conclusione S. Petri: Non licet petere Sacramentum, quod minister, etsi velit, nequit dare nisi peccato, absque dubio in omni prouerso evenit illicitem est. etiam in extrema necessitate tam spirituali, quam corporali. Ratio est manifesta: quia non sunt facientes mala, ut eveniant bona. Et iuxta Roman. I. v. ultimo: *Qui cum iustitiam Dei cognovissent, non intellexerunt, quoniam qui talia agunt, digni sunt morte: et nos solum qui ea faciunt, sed etiam qui consentiunt facientibus.* Quis autem non videat pertinentem actionem, qua hic & nunc non protestare licet fieri, consentire illicitem operantibus?

63. Contrarium cernitur in illis, qui ob necessitatem aut notabilem utilitatem faciunt actionem ex se bonam aut indiffer- tem, ex qua proximus sumit occasionem peccati; aut etiam petit a proximo actionem hujusmodi, licet prævideat ipsum ex libera sua voluntate in ea mortaliter pecca- turum.

Casus obvij sunt & communes. Sic
quippe licitum est hospiti apponere cœnam
vel carnes in die jejuni; pueræ se honeste
ornare; petere mutuum ab usurario, jura-
mentum ab infidieli, & infinita alia, quam-
vis ex illis prævideam per accidens secu-
turum proximi peccatum, quando haec
sum necessaria ad vitandum damnum tem-
porale. respectivè notabile ad spiritualium
damnum, quod proximus incurrit per pec-
catum. Quod addo, quoniam in his maxi-

mē attendenda est regula charitatis. Incipit
quidem charitas à se ipso , sic tamen ut inter-
dum bona temporalia , imo & ipsam vi-
tam teneamus exponere pro proximo , ut
communiter docent Theologi in tract. de
Charitate;

Ex quo facile intelliges , quare in conclusione addiderim illam limitationem :
Modo id suadet nobis utilitas . Porro qui talis sit , pendet a prudenti iudicio omnibus circumstantiis mature discussis ; puta , si alioquin esses moriturus sine Baptismo , Abolutione , Vatico &c. aut fensis grave periculum succumbendi peccato . Item si urgat praeceptum annua Confessionis aut Communionis , etiam satis probabiliter (inquit Dicastillo supra n. 297.) etiamsi minister ex ignorantia aut passione in malo statu esset administratus ; non enim omittenda sunt praecpta , ut evitetur scandalum passionis , etiam pusillorum .

Et quidem quod artinet ignorantiam, si est invincibilis, credo reverentiam Sacramenti exigere præviā admitionem, nisi aliquid obstet; quippe juxta regulas correptionis fraternæ, etiam materia-
le peccatum, maximè contra legem na-
turalē, avertendum est à proximo, quando commodè fieri potest. Prudenter autem speratur, talem ministrum sublatā ignorantiā adhibiturum sufficiētēm dis-
positionem per contritionem aut confes-
sionem; sin illa spes non subsit, melius
permittitur peccatum materiale, quam for-
male. Et quia illa spes rara est, quando
procedit ex ignorantia vincibili vel passio-
ne, iudicio etiam raro admitionem esse
præmittendam.

Infuper notabilis judicatur utilitas, si
occurrat fructus indulgentia, confuetudo
rationabilis diutius non differendi, ex-
traordinarius servor, & familia, quæ juxta
varias circumstantias (ut dixi) pruden-
ter censebunt proportionata peccato,
quod permittitur. Quarè minor cauſa re-
quiritur respectu obligati ex officio, quam
respectu alterius; similiter minor respectu
parati ad ministrandum, quam respectu non
parati; minoris peccatoris, quam gravio-
ris; non excommunicati, quam excom-
municati; quia hi magis peccaturi sunt,
quam illi. In praxi ramen (ut nota Regia
gicus q. 64. a. 6. d. 2. n. 2.) hoc posteriora
non semper possunt facile distingui, atque
ita error in his non facilis erit tam gravis.

Ex eadem regula charitatis sequitur, 66
illicium esse accipere Sacramentum à ma-
lo Parocho, etiam parato, quando & quæ
commodè potest accedi privilegiatus; qui
datur

etiam par-
so, quando
quæ com-
mōde ace-
di potest
privilegia-
tus.

datur occasio saltē peccati externi, quod secundūm aliquos habet malitiam formam distinctam à malitia actūs interioris: interdum etiam, videlicet si tantū habitualiter sit paratus, peccati interni; vel si actualiter jam confensit, continuationis aut intensionis consensūs præstū. Juxta ergo proportionem istius damni spiritualis, petitio tua & receptio sine rationabili causa erit grave & leve peccatum contra oblationem charitatis. Dico sine rationabili causa; quoniam eligi potest malus relicto bono, si ille melius noverit dirigere tuam conscientiam, ei libens explicitur peccata ob boni morositatem &c.

67.
An in articulo mortis relinquentes bonus non approbat, & pertendit ab initio a malo approbat, præfante.

Addunt aliqui in articulo mortis relinquentium bonum non approbatum, & pertendit ab initio a malo approbatum præfante. Sed cur hoc? quia (inquit) malus, est peccatus, adhibet certum medium; bonus autem tantum probabile, eo quod tantum probabile sit pœnitentem in isto articulo ope confiteri culibet non habita ratione Parochi, vel approbat.

68.
Absolutio in casu dā a non approbat, moraliter certò valeret, Tractat.

Respondent alij: moraliter certò valet absolutio. Et probant ex Trident. sessi. 14. cap. 7. ibi: Verum tamen pie admodum, ne hac ipsa occasione aliquis pereat, in eadem Ecclesia Dei custodiatur semper fuit, ut nulla sit reservatio in articulo mortis; atque ideo omnes Sacerdotibus quolibet pœnitentes a quibusvis peccatis & censis absolvere possint. Quæ constitutio adeo generalis & indefinita, accende pœnitentem auctoritate DD. tribuit jurisdictionem speculative probabilem omnibus Sacerdotibus absolvendi quolibet pœnitentes in articulo mortis, etiam in pœnitentia Ordinarii; ergo, inquit, certissimam practicè, Ecclesiæ supplete defectum ad singulos actus, pœnitentium dum adest specialis ratio, scilicet irreverentia alius certò committenda in administratione Sacramenti.

Et sanè si Ordinarius præsens, qui non vult absolvere, habeatur pro absente; quidni etiam absens reputetur, qui non vult licite absolvere? Accedit, quod pœnitentis adjungendo aliquod peccatum veniale, aut mortale alias confessum, certissime, non tantum practicè, sed etiam speculative, ab omnibus absolvatur, saltem indirectè. Posit ergo exponere peccata sua Ordinario, at malo ministro, sed cur obligetur, non satis probatur. Hæc illi.

69.
Quid de ministro Baptismi, ex Scoto.

Aliud forte dicendum foret, juxta mentem Doctoris Subtilis, de Ministro Baptismi; si enim docet q. d. 5. q. 2. n. 5. Si (inquit) est occidere malus, ita quod vita eius non sit scandalosa populo, scilicet conceditur, quod posse aliquis a tali, inquit, debet respire Baptismum, si

alías debeat: quia propter peccatum, quod non est notorium; non debet aliquis in actibus notorij ritare proximum. Si autem est publice vel notoriè malus, utpote publicè forniciarius, aut huiusmodi; aut incumbit sibi ex officio dispensare Sacramenta Baptismi, utpote quia est Sacerdos, vel Curatus parochialis; aut non incumbit, tamen congrueret ratione officij, utpote quia est Sacerdos aliquis datus vel vocatus in adiutorium Curati: si primo modo, non peccat, qui recipit Baptismum profice vel pro parvulo suo; quia non peccat, qui à malo debitum petit vel accipit (intellige quando alius non adest, qui sine licentia Parochi potest ministrare). Si secundo modo, si posset habere aliud, cui incumbit ex officio baptizari: aut aque malum, aut meliorum. Si meliorum, peccat, qui ab illo recipit; quia non incumbit sibi Sacra menta ministrare: & si aque malum, debet recipere a suo. Sed si nullus alius posset haberi Curatus vel Sacerdos; nisi aquæ malus isti, posset tamen haberi aliquis bonus laicus, dubium est qui cui sit preferendum in isto actu, an bonus laicus Sacerdoti publicè malo, an Sacerdos malus bono laico. Et breviter, quia officium ministrandi Sacra menta in Ecclesiæ competit Sacerdotibus, videtur dicendum, quod quoad istum actum magis eligendus est malus Sacerdos; puta, quia solus Sacerdos est minister ordinarius Baptismi solemnis (de quo ibi loquitur Doctor) extra necessitatem,

Potius pœnitentia sacramentorum Baptismi ab Ecclesiæ præcepta, vel à ministro non competente adhibeatur. Putarem tamen Diaconum bonum præferendum malo Sacerdoti; nam & ille in necessitate solemniter baptizat, ut proprio loco dicetur.

Ex quo patet disparitas inter ministrum Baptismi & Pœnitentie; quippe etiam non approbatus absolvit ex officio, id est, ex vi Ordinis Sacerdotalis. Adde Scotus non absolutè assere Sacerdotem malum preferendū, sed uitio lÿ videtur dicendum, quod relinquit decisionem dubiam. Atque ex his manet sufficienter explicata & probata conclusio.

Solum objicie: Non licet mihi petere à medico, qui simul magus est, ut me sanet, si certò sciām quod per incantationes me sanabit, quamvis naturalibus remedijis me sanare possit; ergo similitudine non potero ab improbo Sacerdote petere Sacramentum; quod scio quod cum peccato administrabit, quamvis sine peccato administrare possit.

Respondeo Primo cū Ex. D. M. N. Joanne Wiggers q. 64. de Sacram. n. 40. negando consequiam. Et ratio est: quia non ideo illud est à tali medico petere ut me sanet, quia scio illum peccatum (quippe peccatum ipsum) in tali casu non teneor impetrare.

F. 2.

70.

Objectio,
quod non
licet petere
sanitatem à
medico, qui
similiter
magus est.

71.

Prima re-
sponsio.

pedire, sed possum permittere) verum idcirco, quia jure naturali & divino est prohibitum habere quamcumque societatem aut communicationem amicitiae vel quasi amicitiae cum perduelli hoste divinitatis & humani generis diabolo, juxta illud Apostoli
2. Cor. 10. 1. Cor. 10. v. 20. Nolo autem vos socios fieri demonorum, ita quod non tantum non possum ipsum rogare, ut beneficium qualecumque mihi praestet, sed ne quidem possum permettere, ut ad preces & incantationes alterius aliquam mihi operam suam liberam & gratuitam voluntate impendat, sicut non licet militi inire ullam communicationem amicitiae aut familiaritatis cum perduellibus hostibus sui Imperatoris, nec munera aut beneficia ab eis recipere absque reatu in ipsum Imperatorem; quoniam ipsis miles ad hoc positivè non cooperaretur.

Istiusmodi autem communicatione cum dæmonio contraho, quando certò scio, quod medicus opera diaboli me sanabit, licet possit sanare naturaliter; quia interpretativè volo ab ipso dæmonio beneficium sanitatis accipere, quoniam medicus non vult aliter præstare: atque adeò censor per magum velle inducere dæmonem, ut ipse hoc mihi præstet.

Porro in casu conclusionis nostra optimum est quod petitur, scilicet ipsum Sacramentum; sola obstat malitia ministrantis, quam non semper teneor impedit.

Respondeo Secundò cum Pet. de Le-
defina in Supple. q. 58. a. 2. dub. 2. con-
clusi. 3. Sanchez lib. 7. de Matrimonio disp.
95. n. 11. quos sequitur Suarez lib. 2. de Su-
perstitione c. 18. n. 10. Lessius lib. 2. de Ju-
stitia c. 44. dub. 6. n. 46. & alijs, negando
antecedens; quia petitio mea non est causa
moralis illius veneficij, quod per accidens
& præter meam intentionem adhibetur, &
eius permittendi habeo rationabilem cau-
sam, puta, quia magus inique me affligit
aut damnum infert, quod etiam me
non postulante tenetur ex Justitia modo
licito auferre: utor ergo jure meo hoc ex-
igendo; sicut dum peto juramentum ab in-
fideli, aut mutuum ab usurario. In quo igi-
tur delinquo?

Respondeat Wiggers tract. 8. de Relig.
cap. 6. dub. 23. num. 160. quia cum seias
magum non facturum sine maleficio, cen-
seris id ipsum petere à dæmonie, & in
hoc consentire, quod dæmonis ope illud
beneficium tibi impendatur; quod est in-
trare in societatem dæmonis omni jure
prohibitam.

Sed contra: hoc est quod queritur, an
censor positivè consentire in beneficium
dæmonis? Cùm enim (ut supponitur)

possim curari à mago modo naturali ac li-
cito, & quantum in me est malem sine
maleficio damnum tolli, non à dæmons,
vel homine quā magus est, sed quā homo
est humano modo, videtur Doctoribus jam
allegatis potius permisso, quām positivus
consensus; adeoque permittendum illam cu-
rationem maleficam, non recognosco quam-
dam subjectionem mei ad diabolum, licet
hic illam intendant.

Nec enim (ut Wiggers existimat supra
n. 161.) petitio mea in illis circumstantijs
sat's indicat, quod velim à maleficio libe-
rari quovis modo, sive medio naturali, sive
superstitioso, & proinde me in hoc condes-
cendere, ut per dæmonem tollatur malum
meum ad invocationem magi, atque ita dæ-
moni me submittam, cuius ope paratus sum
ut seu admittere ad mean curationem; hoc,
inquam, non significat mea petitio, sed po-
tius contrarium: nam quia scio, quod hu-
mano modo possit malum meum auferri,
ideo peto à mago ut faciat quod jure potest
& tenetur, alias minimè petiturus, si scire
maleficiū esse necessarium; ergo non sub-
jicio me diabolo, vel mago in quantum
minister ejus est, sed in quantum homo, qui
obligatur ex Justitia humano modo me ju-
vare.

Aliud esset, si dæmon sece offerret, etiam
absque mea petitione & absque opera ma-
gi, ut liberaret me à maleficio; si quidem
tunc acceptando, positivè consentiendo in be-
neficium dæmonis, cùm alia ratione in illis
circumstantijs nequeam liberationem obti-
nere. Similiter si magus se sponte offerret,
ut tolleret per maleficiū; nam sic accepta-
rem ipsum maleficiū, sive magum, ut ma-
gus est; quoniam sub illa ratione solū se
offert, adeoque non solū consentirem in
permissionem male actionis (ut vult Wig-
gers supra) sed in ipsam potius actionem
malam, quæ mihi proponitur acceptanda.
Quia non habent locum, quando simplici-
ter peto à mago ut me curet, scilicet in
quantum homo est, et si certò sciam quod

maleficio. Interim haec doctrina non caret scrupulo.
Unde Sanchez supra: Duo (inquit) mo-
nuerim: Alterum est, nullatenus licere ad-
mittere, si maleficus applicare velit medici-
nam aliquam vanam & superstitionem.
Quia est uti medicinam vanam ac superstitionem
nullam vim significandi habente, nisi ope &
& invocatione dæmonis; quod est intrinse-
ce malum. Nec potest dici, hoc tantum esse
uti peccato alterius, sicut quando maleficus
alio maleficio solvit, nullam medicinam super-
stitionem applicata. Quia consentiens medi-
cinam

72.
Secunda
Responsio.
Pet. de Le-
defina.
Sanchez.
Suarez.
Lessius.

Resp. Wig-
gers.

74.
Non licet
administer
magum, s.
solitus med-
icam ve-
ciam ve-
nam & fo-
perstitio-
fan.

cinam illam sibi applicari, revera utitur ea,
atque ita medio superstitione & illicito.

Alterum vero est, quando spes esset fore
ut prodesset monitio, teneri potenterem ex
lege charitatis illum monere, ut medio
licito faciat. Quod idem necessario faten-
dum est de potente mutuum ab usurario &
juramentum ab infideli. At in omnibus his
casibus omittens monitionem illam, non
est reus peccati inductionis maleficij, sed
solius praecipi correctionis fraternae vio-
lati. Hæc Ille, addens n. 12.

Existe
dubio an
maleficus
medium ali-
quod sol-
vendi lic-
tum nosse,
nullaten-
tia est ab
eo petitio
solutionis
maleficij.
Delius.

Quando dubium esset, an maleficus me-
dium aliquod solvendi licitum nosset, nullaten-
tia licere solutionem maleficij ab eo
petere; quod presumptio sit contra illum
eo vel maximè, quod ut ait Delius lib.
6. Disquisitionis magicarum c. 2. sect. 1.
qæst. 1. pag. penult.) frequentius sola
media superstitione norint malefici: & pe-
titur tolli maleficium, quod non nudam
privationem importat, sed aliquid actus
positivi. Quarè ad vincendum hoc dubium,
consulti ibi querendum esse à malefico, que
media norit: si renuat explicare, ait ve-
hementem esse suspicionem contra illum.
Si autem explicet, tunc videndum est, an
medium sit licitum. Ecce quantà circum-
spectione indigat praxis istius sententia!

Juvat quoque audire Lessium: Fas (in-
quit) non est à mago petere, ut maleficio
disolvatur, si dubitas an absque novo male-
ficio id possit: quia id de quo dubium est,
an sine peccato fieri possit, sicut absolute
non est faciendum, ita nec absolute ut alio
poterit, ut faciat: scilicet, quando constat
sine peccato fieri posse; & causa justa pe-
tendi subest..... Hinc patet, non peccasse
militem, qui equum suum misit curandum
ad hippotriatum, à quo naturaliter curari po-
terat; quamvis multum formidaret, id cum
superstitione præstitutum, sicut & fecit. Si
tamen miles præsens fuisset, & vidisset illum
signa superstitione parantem adhibere, non
potuerit permittere; quia permittere ut
circa te, vel rem tuam, te presente, magica
medicatio sit, est in illum consentire; quia
sine tuo consensu nemo tibi vel tuis rebus
in tuo conspectu medicinam adhibere po-
test: inò est moraliter illis uti & applicare;
nam medicus agit quasi instrumentum ejus,
qui illum adhibet, qui per illum curare di-
citur. Unde propriè dicimus nos uti opera
medicorum. Hucusque Lessius.

76. Que non
placeat Wig-
gers.

Cur ergo licebit (interrogat Wiggers
supra) permittere, quod in absentia faciat,
quando supponitur quod scias, aut tibi per-
suadeas, quod arte magica curabit? Certe
non satis appetit, quare uno eau plus in

aliquid mali consentias, quām in altero,
quando sic de mago sentiens, ut in casibus
ponitur, petis ut malum tollat sive curet.

Respondeo ex Sanchio supra; quia uno
casu uteris medicina vanâ superstitione
nullam vim sanandi habente, nisi ope &
invocatione dæmonis; quod est intrinsecè
malum: in altero autem minimè. Quod
maximè verum existimo, quando consentis
illum tibi applicari, ut loquitur Sanchez.
Alioquin quando medicina solùm applica-
tur rebus tuis, v. g. equo infirmo; neque
michi satis appetit, cur potius licitum sit
permittere hujusmodi applicationem in ab-
sentiâ, quām in præsentia, clūm utrobiisque
medicus agat quasi instrumentum ejus qui
illius opem imploravit.

Evidem si quis auferat rem meam me
præsente & inspiciente, si ex meru mortis
non contradico, haud magis consentio in
illam oblationem vel alium usum, quām si
me absente fieret. Cur igitur magis con-
sentiat in medicinam superstitionem, que in
præsentia equo adhibetur, quām quā in ab-
sentiâ, supposito quod sine gravi incommo-
do non possit contradicere nec h̄c, nec ibi.
Unde adverto Lessiu[m] non proponere ca-
sum, in quo sit moralis certitudo malefice
curationis, sed formido tantum: quamvis
(inquit) multum formidaret id eum sū-
perstitione præstirum, sicut & fecit.

Quid autem sit dicendum, quando tam
certò constaret id eum magice præstirum,
atque si oculis inspicret ita fieri, ibi
non resolvit. Judicet prudens Lector, an
in utroque casu sit peccatum, an in neutro i
sive hoc, sive illud resolveris, stabit adhuc
veritas conclusionis, videlicet: Absque pec-
cato non solùm contra religionem, sed
etiam charitatem, petitur Sacramentum ab
indignè illud suâ culpâ (id est propter sta-
tum peccati mortalis, à quo gratiâ divinâ
opitulante potest se liberare) ministratu[ro],
modò id suadeat notabilis utilitas. Et è
contrario peccat non solùm contra chari-
tatem, sed etiam religionem, qui petit sine
justa causa, & recipit; quia saltem moraliter
vult indignam administrationem, qua est
grave peccatum sacrilegij, ut constat ex
dictis sententia precedentibus.

Posset forte in aliquorum sententia ex-
cusari à peccato irreverentiae, si positivè
illam non intendant, sed tantummodo mi-
nisterium, quod per se licitum est, & h̄c &
nunc bene fieri potest; quamvis enim vir-
tus Religionis obliget me, ne positivè sim
causa fraudandi, consulendo &c. aliquid
ei contrarium; non ita tamen, ne dem oc-
casionem aliquam per accidens, invitando

Ff 3

v. g.

Quo sensa
in quo: um-
dam senten-
cia excusa-
reuperaens
ab indigno
Sacramen-
tum, a pec-
cato irre-
sentia, si
illam non
intendebat.

v. g. ad aliquem actum, cui præter meam expressam intentionem adjungitur malitia irreligiositatis. Sicut probabiliter non peccat contra Justitiam vel Castitatem, qui inducit alterum ad secum potitandum vel ambulandum, quamvis sciat ipsum postea furatur vel fornicaturum, sump̄t occasione ex illa potatione aut cleambulatione; esto peccator contra Justitiam & Castitatem, qui positivē illa peccata alteri persuaderet. Sic ergo imprestiarum contra reverentiam Sacramenti est suadere alicui, aut petere ab aliquo indignam administrationem; secūs tamen secundūm illam sententiam (cujus approbatio vel reprobatio non est hujus loci) simpliciter petere ministerium ex se lictum, cui ex malitia alterius conjungitur irreligiositas.

Dico *Ex malitia*; quia si per censuram Ecclesiasticam, aut alia particulari prohibitione ministratio absolute sit illicita, ita ut in potestate ministri non sit debite ministrare, haud dubium, quin sicut minister, sic quoque postulans ministerium semper peccet vel contra Religionem, vel aliam virtutem, ex cuius motivo est facta prohibitio. Imò semper contra Religionem; idque quia ministrans licet ex præcepto obedientiae teneat abstinere, adeoque ministrando peccet specialiter contra obedientiam, vel aliam virtutem; tamen eō ipso etiam inseparabiliter & per se peccat contra Religionem, quia conficit & administrat Sacramentum in malo statu, in quo constituitur per ipsum ministerium. Et hæc est indignitas juris positivi, cui in ipso exercitio (ut statim dixi) conjungitur indignitas juris quasi naturalis. De illa dignitate juris positivi refat h̄c agendum.

Suppono autem ius antiquum, quo omnes ligati excommunicatione privantur administratione activa Sacramentorum, cap. Si celebrat 10. de Clerico excommunicato, ibi; Peccat autem conferendo Ecclesiastica Sacra menta. Quod ius usque hodie manet integrum quod excommunicatos vitandos. Ac proinde de illis dico:

CONCLUSIO V.

A ministro non tolerato seu vitando non nisi in periculo mortis licet petis Baptismum, Poenitentiam & verosimiliter Eucharistiam: sub-

inde etiam Extremam Unctionem.

Pro intellectu hujus & sequentis conclusionis necesse est scire, qui sint ministri tolerati sive non vitandi, & qui non tolerati sive vitandi. Oritur porro distinctione ista ex nova constitutione seu Ex travagante: *Ad evitanda scandala*, quam refero ex Concilio Basiliensi sessi 20. ad finem, ubi sic legitur: *Ad vitanda scandala & multa pericula, subveniendum conscientis timoratis, statim etiam quid nemo deinceps à communione alius in Sacramentorum administratione vel receptione, aut alijs quibuscumque divinis vel extra, praetexta cuiuscumque sententia, aut censura Ecclesiastica, seu suspensio, aut prohibitions ab homine, vel à iure generaliter promulgata, teneatur abstinerere, vel aliquem vitare, aut interdictum Ecclesiasticum observare, nisi sententia, prohibito, suspensio, vel censura huiusmodi fuerit in vel contra personam, collegium, universitatem, Ecclesiam aut locum certum auctoratum, a iudice publicato vel denuntiata specialiter & expresse; aut si aliquem ita notoriè excommunicationis sententiam confiterit incidisse, quid nullā posit tergiversatione celari, aut aliquo modo iuris suffragio excusari. Nam à communione illius abstineri vult iuxta canonicas sanctiones.*

Aliter resertur hic ultimus casus ab Antonino iuxta Concilium Constantiense, his verbis: *Salvo si quem pro sacrilegia manuum injectione in clericum sententiam Latam à canonice adeo notoriè confiterit incidisse, quod factum non posse aliquā tergiversatione celari, neque alio suffragio excusari. Nam à communione illius, licet denuntiatus non fuerit, volumus abstineri iuxta canonicas sanctiones. Juxta quam lectionem (veriorem, ut docet Suarez de Cenfusis disp. 9. lect. 2. n. 5. cum alijs, quos citat) tantum in illo speciali casu, scilicet sacrilegia manuum injectionis, vitandus est publicus excommunicatus.*

Et quamvis hæc constitutio ex Concilio Basiliensi, in quo solo de facto extat, non possit habere vim legis obligantis universalis Ecclesiam, & derogantis seu limitantis antiquum jus (nam Concilium illud, quando illam edidit, vel non erat legittimum, nec sub obedientia summi Pontificis procedebat; vel saltem à summo Pontifice nunquam confirmationem obtinuit, ut videre est apud Turrecrematam in Summ. II. de Eccles. lib. 2. c. 100.) tamen, quia ab universalis Ecclesia recepta est, & usu probata, imò (ut creditur) à summo Pontifice manavit; ideo non est dubium, quin obligatio